

Br. 05-4779/22

Datum: 28.06.2022.

Za: BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Hamdije Kreševljakovića br. 3  
71000 Sarajevo

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

| Primljeno: 05-07-2022 |      |         |            |
|-----------------------|------|---------|------------|
| Org. jed.             | Broj | Priloga | Vrijednost |
| 05/2                  | -02- | 191     | 122        |

**PREDMET:** Odgovor JP Autocesta FBiH na poslaničko pitanje sa 18. sjednice Doma naroda Parlamenta Federacije Bosne i Hercegovine, održane 26.05.2022. godine kojeg je postavio delegat Nijaz Musić

Poštovani,

shodno dostavljenom dopisu broj 03-04-724-4/22 sa upitom o realizaciji projekta tunel Hranjen, tj. cestovnog povezivanja Goražda sa Sarajevom, u nastavku dajemo Vam informaciju o toku realizacije ovog projekta.

U sklopu otvorenog postupka „Javnih nabavki“ za radove na probijanju glavne i servisne cijevi i izrada primarne podgrade cestovnog tunela „Hranjen“, iz aprila 2018.godine, Ugovor je dobila domaća kompanija EUROASFALT d.o.o. Sarajevo.

Ugovor br. JPAC 995-B100-18, Probijanje glavne i servisne cijevi i izrada primarne podgrade cestovnog tunela „Hranjen“, ukupne dužine 5,5 km, potpisan je 22.09.2018. godine. Radovi su ugovoreni po FIDIC-u, Žuta knjiga „Uvjeti Ugovora o Postrojenjima, Projektovanju i Građenju“.

Radovi za probijanje glavne i servisne cijevi i izrada primarne podgrade cestovnog tunela „Hranjen“ službeno su započeli 12.02.2019. godine. Ugovorni rok za dovršetak radova je 11.02.2022. godine (36 mjeseci tj.1080 dana), a prihvaćeni iznos Ugovora 69.999.900,00 KM bez PDV-a (81.899.883,00 KM sa PDV-om).

Ugovor br. JPAC 1052-E547-19, Nadzor nad izgradnjom (probijanjem) tunela „Hranjen“, potpisan je 04.02.2012. godine sa domaćom kompanijom „IPSA“ INSTITUT d.o.o. Sarajevo.

Vrijednost Ugovora je 2.977.997,00 KM bez PDV-a (3.484.256,49 Km sa PDV-om).



Fizička realizacija: iskopano je i podgrađeno 2.120 m GTC-i (glavne tunelske cijevi, sa portalnim dijelom) i 1.933 m STC-i (servisne tunelske cijevi), te pet pješačkih poprečnih veza, kao i poprečna veza za prolaz interventnih vozila, te dvije parkirne niše. Sumarno, do sada je iskopano/podgrađeno 40% tunela, utrošeno 97% od ukupne vrijednosti ugovornih radova (kalkulacija sa zadnjom plaćenom „Privremenom situacijom“).

Aneks br. 2 na Ugovor br. JPAC 995-B100-18 „Probijanje glavne i servisne cijevi i izrada primarne podgrade cestovnog tunela „Hranjen“ potpisan je 14.02.2022. godine. Ovim aneksom je, prema predloženom „revidovanom“ Programu izvođenja preostalih radova (otklanjanja nedostataka), rok izgradnje produžen do 30.06.2022. godine.

Vlada FBiH nije odobrila iznos 14.000.000,00 KM to je dodatnih 20% na osnovni Ugovor.

Tek na 313. sjednici, od 28.04.2022. god., Vlada Federacije BiH je na prijedlog Federalnog ministarstva prometa i komunikacija, usvojila Program utroška dijela sredstava „Kapitalni transferi javnim poduzećima - Transfer za izgradnju autocesta i brzih cesta“ u iznosu od 199.400.000 KM. Ovim Programom, za koji su sredstva utvrđena ovogodišnjim budžetom, biće finansirano 12 projekata na području Federacije BiH.

Od ovog iznosa za izgradnju brze ceste Prača – Goražde, LOT 1 i LOT 2 tunel „Hranjen“ – faza 1., izdvojeno je 35.000.000,00 KM od toga:

- za eksproprijaciju 1.000.000,00 KM
- za građevinske radove i nadzor 34.000.000,00 KM

Ovo je objavljeno u Službenim novinama FBiH od 06.05.2022.godine.

Na osnovu usvojenog Program utroška dijela sredstava „Kapitalni transferi javnim poduzećima - Transfer za izgradnju autocesta i brzih cesta“, Uprava JP Autoceste FBiH 10.05.2022. godine donosi Odluku o odobravanju vanplanske nabavke za izbor izvođača i nadzora na Izgradnja tunela „Hranjen“- Faza I - nastavak radova LOT 1 (iskop i izrada primarne podgrade glavne i servisne tunelske cijevi) i početak radova LOT 2 (ugradnja dijela sekundarne tunelske obloge u vrijednosti od 32.500.000,00 KM za izvođenje radova i za usluge Nadzora nad izvođenjem pomenutih radova u vrijednosti od 1.500.000,00 KM.

Na osnovu gore navedenog:

20.05.2022. godine objavljeno je Obavještenje za javnu nabavku usluga „Izgradnja tunela „Hranjen“ – Faza I – nastavak radova LOT 1 (iskop i izrada primarne podgrade glavne i servisne tunelske cijevi) i početak radova LOT 2 (ugradnja dijela sekundarne tunelske obloge)“.

